

光緒江西通志

江西通志卷一百六十二

列傳二十九

饒州府三

明

許瑗字栗夫樂平人元末兩舉鄉第一會試不第放浪吳越閒太祖駐婺州瑗謁曰元祚將終四方鼎沸足下欲定天下非延攬英雄難以成功太祖喜置幕中參軍事未幾命守太平府陳友諒以舟師來寇城破被害

江南志

通志

吳宏字德廣餘干人元至正間敗賊劉城朵敵遂有饒信明太祖駐江州以二城來歸命鎮饒州尋率兵取撫州下武昌論功拜中書左丞參贊徐達幕至秦州卒

林志

王蘆字有成鄱陽人博學能文洪武初以明經授本邑

教諭入爲翰林編修出知南陽府有善政以疾卒著有羣英雜言及編緝詩粹

林志

費震鄱陽人博學多才洪武初以賢良徵授吉水知縣擢漢中知府歲歉盜起震發粟賑濟盜俱來歸卽令占宅自保後以事被逮朝廷以震良吏釋之爲牧民者勸尋升戶部左侍郎進尚書奉旨定丞相御史大夫等官歲祿之數刻石官署調湖廣布政使以老致仕

人物志

祝挺字正夫鄱陽人趙伯同鎮饒辟爲參隨尋除金壇縣丞遷上海縣時海濱盜起大姓錢鶴皋率眾逼縣治挺於黃浦東植義旗集眾聽約束皆噭指誓逆黨亦投戈旗下請死餘將遁之海挺遣唐翼等追斬之邇譟報驃騎已至松江將屠上海挺卽函二首以獻曰民已定

矣驃騎猶欲窮治脅從者挺曰彼詐誤者何罪罪其在我因使吏陳克城狀於相國事乃已是時他邑死傷相枕藉而上海獨晏然擢戶部主事調浙江行省郎中以

事去官

人 物
志

余應鳳字士韶德興人洪武初有薦其才於朝者徵授本邑訓導後兩典郡庠兩使絕域竣事卽乞歸洪武十七年詔徵山林隱逸應詔至闕太祖親試稱旨得賜遊御苑上親與聯詩各二句成一律授山東布政司參議勤咨訪明聽斷清譽著聞考滿赴闕值戶部侍郎郭桓敗贓問刑官嗾桓妄稱寄借滿天下朝臣以寄贓得罪者數千人禍且不測應鳳辯其冤厲聲闕下乞帝廷鞫之忤旨廷杖卒於旅邸御史丁廷敏等因劾奏問刑官

妄扯平民上悟刑者伏誅於是冤者俱得自

豫章書

張琬字宗琰鄱陽人以貢士試高等授給事中改戶部主事一日帝問天下財賦戶口之數口對無遺帝悅立擢左侍郎謹身殿災上言時政歲饑請蠲民租百萬餘石俱見嘉納琬才敏有心計以疾卒官年二十七時人

咸惜之

列卿錄

周漣字伯甯鄱陽人江西十才子之一明太祖以唐宋皆有成律惟元以一時行事爲條格胥吏易爲奸詔李善長等定律令漣爲大理寺丞亦預焉書成上稱善官至刑部尚書列卿錄謝志舊案列朝詩傳以漣爲江甯人官饒之長史與此異十才子者李正叔紹熙周伯甯劉原善辛敬萬石楊伯謙查和卿周復其二人失攷

鄭倫字子夔安仁人少攻問學既長所交皆名流揭傒

斯虞集亟稱之湖南憲使趙之維薦授寶慶儒學正未
赴而天下兵起明太祖初取饒授參贛淮南幕府專掌
鹽利以給軍上親征張氏倫叩馬獻策每其曉將以病
乞歸自號環谷野人洪武乙丑再詔起於家至則年已
八十賜坐便殿詢以治道條對具悉欲虛以重任以年

老辭上親製古詩一章以賜其歸又二年卒

白志 謝志舊案集

倫事林志不載安志所載失實白志據天台林右所撰環谷先生墓志補撰

鄭隆字德隆浮梁人洪武進士授行人出使有能聲還
陳時舞十事擢廣東僉事平反冤獄又遷山西參議改
廣西鹽乞歸妻於舟中語之曰君宦久妾止得一金環
隆索觀兩歎曰吾生平與汝無愧於心又何用此卽投
水中聞者就其地建棄金亭

安志

程溥字廣初德興人父士宏洪武初因督圖籍觸諱論
死溥以身代至京遇詔得免死黥役赴鳳陽役歸守者
贈以金不受曰吾爲父來今得生還見吾父足矣人以
其黥面稱爲鐵面佛

錢繕山集

劉仔肩字汝弼鄱陽人洪武初用薦召至京卽集都人
士詩爲雅頌正音而以己作附入草昧之初風雅賴以
不墜

明詩綜序

祝孟獻字丕文德興人洪武閒以御史張宣薦授太僕
少卿區區馬政甚悉上元江甯民有坐累徙雲南者數
千家已就道孟獻力奏得免嘗使朝鮮渡鴨綠江舟遇
風幾覆焚香告天須臾風息至其國遣以金帶辭弗獲
回到江邊解帶還之

人物志

王溥安仁人仕陳友諒爲平章守建昌太祖命將攻之
不克友諒將李明道等寇信州胡大海往援禽明道及
溥弟漢二歸於行省李文忠命二人招溥是歲太祖征
漢拔江州溥遂遣使降命仍守建昌明年太祖次龍興
率其眾來見數慰勞從歸建康賜第聚寶門外尋遣溥
取撫州及江西未附諸郡縣復從克武昌進中書右丞
兼詹事府副詹事從徐達北伐屢有戰功尋擢河南行
省平章初溥未仕時奉其母棄避兵貴溪遇亂與母相
失凡十八年及是請歸省墳墓許之且命禮官具祭物
溥歸率士卒之貴溪桃源山求不得晝夜號泣者三日
居人吳海言夫人爲賊逼投井中死矣溥求得井有亂
自井出投溥懷中旋復入井遂汲井索之母屍果在哀

呼不自勝乃具棺斂卽其地葬之溥卒子孫世襲指揮
同知白志

戴璿字仲才浮梁人從吳仲迂遊避居講學明初累薦
不起時定賦役法浮梁獨重於他邑璿上章亟言得與
他邑均邑民至今賴之所著有東山集林志

徐文郁字晦之浮梁人洪武初應詔上顧問曰天下如
何治對曰君仁則治又問百姓如何安對曰有司得其
人則安將授以官泣請歸養林志

張煥然浮梁人父信立初坐註累得罪且死煥然請代
上憐而兩赦之檇李楊昇爲之傳林志

金良佐鄱陽人幼好學通經史洪武十五年詔求賢才
邑令以良佐應詣京帝咨問備至奏對稱旨拜廣東右

布政使十八年被召入京卒

人物志

高貞字景瓊以字行樂平人以明經薦知休甯擢大理右寺副帝時以嚴勝寬犯者重每不釋景瓊奏諫必擇犯輕者列於前帝首覽輕犯多輒肆赦全活者眾卒於

官

安志

計澄字本清浮梁人知永康調商河擢監察御史以直言忤時謫廬州推官起守楚雄政爲滇列郡最升廣西按察使

安志

章復字彥復鄱陽人仕元厯行省檢校洪武元年下湖湘得百粵地授全州府同知值旱蝗徒跣詣覆釜山叩禱輒應民勒石頌功全故闕守六年卽升復爲守先後三閱考嘗樹松夾道百里以憇行人至是陰可覆路行

者呼章公松尋改全爲州移知保甯府逾年乞致政乘
傳歸復器宇凝重學問該博所作篆隸世以爲工

人物志

李泰號字西珉德興人元至正兵亂倡義兵保閭里明
太祖知其名遣使聘之從駙馬王克恭守新安改文秩
歷官刑部侍郎終戶部尚書

人物志

王和字叔和德興人洪武初以選貢擢太常博士丁外
艱起復雲南亦佐縣知縣時越州反地鄰亦佐西平侯
沐英將兵擊之兵已壓境和謁侯以身家保民無他辭
甚激切英令速馳赴邑邊疆各豎木牌以表識兵過秋
毫無犯民胥感曰我公以木牌活一縣造庭羅拜而去
調江山縣升建州知州兗州府知府改武昌卒於官

安志

蔣惠字貴和鄱陽人太祖征陳友諒於鄱陽惠上書謁

見遂留參政務洪武元年授廣東行省左司員外遷禮部郎中坐事左遷華亭知縣時舊令誣伏平民李秀等二十人爲盜惠察其枉悉釋之密授捕兵方略獲真盜正其罪民頌之後以鈔本事去官

人物志

操琬字公琰樂平人少博學有才氣從程時登學一時朋遊如朱公遷董彝皆邃義理汎博古今琬摩礪其閒所造益深元至正四年舉於鄉厯池州學錄洪武初詔起山林遺逸之士預修元史琬年七十餘入館閣帝命儒臣與談論酬答如響舉事無所遺尋以疾歸田里

府志

程本初名本以字行樂平人洪武間舉明經授南陽同知南陽久被兵公宇燬滅百姓流離本初殫力綏撫建公署學校繕城濬池吏服其能民安其業

人物志

方素易名岐以字行樂平人洪武閒舉明經任淮安府訓導升知盱眙縣以母憂去百姓赴闕乞留帝嘉之賜鈔錠衣物以旌其能擢金華知府有善政

人物志

俞敬德浮梁人洪武初與同邑查仲原同登吳伯宗榜進士敬德知海州兵燹之後極力撫循而流亡還定田野以闢仲原通判肇州在嶺徼外善折獄恆引春秋決疑時並稱之

人物志

江春字九齡鄱陽人元末倡義兵保鄉里徐壽輝陷饒署春爲左丞屯都昌之香溪壽輝爲陳友諒所殺春思報之遂歸附除權江南行省左丞從上克江州豫章諸郡解安豐圍敗友諒於康郎山除同知雄武衛親軍指揮使司事遷振武衛同知繼從諸將下泰逼湖蘇浙西

諸州禽張士誠定河南郡拜懷遠大將軍平雁門雲中
守禦大同與世襲大同衛指揮

人物志

徐便字宗文鄱陽人幼習騎射鄉兵起推便爲長便度
兵少依于光以自固歸附後光每有功便與焉授武略
將軍定遼衛副千戶尋委攝遼陽府事至蓋牟迎敵度
道隘因壘冰成壘斷歸路大有俘獲進階武毅將軍尋
以功擢明威將軍僉海州衛指揮事卒便練達勇敢詰
戎之暇手不釋卷好歌詩每行次輒賦以紀事

人物志

胡閔字松友鄱陽人太祖征陳友諒過長沙王吳芮祠
見閔題壁詩奇之立召見帳前洪武四年郡舉秀才入
見帝曰此書生故題詩鄱陽廟壁者邪授都督府都事
遷經歷建文初選右補闕尋進大理寺少卿燕師起與

齊黃輩晝夜畫軍事燕王入京首召方孝孺草詔繼召
閩及高翔三人至則袁經望闕慟哭聲徹殿陛乃趣閩
先入諭令更服閩曰死卽死耳服不可更也以族誅恐
之不動命武士舉金爪擊其齒齒盡抗聲不絕大怒命
縊死以石灰水浸脫其皮實以草成人形懸武功坊卽
日籍其家子傳道與姻族二百十七人皆繫市駢斬之
幼子傳慶及其外親之姻戚一百餘人俱戍邊閩妻汪
氏縛就刑部時四歲女郡奴自懷墜或捉入功臣家付
爨婢收之稍長識大義日以灰污面洪熙初赦還鄉貧
甚誓不嫁嘉靖時提學副使邵銳立祠祀閩以郡奴耐
福王時贈閩刑部尚書謚忠烈女郡奴謚孝貞

國朝賜謚忠節

明史 舊案文

白志 燈巖集

勝朝殉節諸臣錄

松友作梅友

人物志 白志 汪

方氏作

甘復字克敬餘干人元末張仲舉僑居雲錦山中克敬與甘彥初張可立往從之游仲舉少許可獨推重三君明初皆以前元遺才爲士林推重彥初詩多流傳克敬集成化中同里趙琥刻之惟可立不著

列朝詩傳
志舊案趙琥復

同里後進前志以爲復孫今改正

齊琦字仲圭號易巖德興人世以儒學名從祖夢龍貴澄皆精邵氏易貴澄常注經世觀物等書琦自幼領悟其旨建昌廖應淮同郡祝祕傅立皆傳邵子學琦旣承家學兼得祝氏傅氏之傳由聲色氣味以起數而推極乎元會運世卽其數之所見天地氣運之否泰生人吉凶休咎之徵無不可預定其言人未至之事如在目前

嘗語人曰自今以往天下多故不十五年京邑南遷千里矣未幾朝廷削弱權臣挾皇嗣駐江南又嘗曰南士行入風憲矣時省臺僨南人不用已久未幾果有詔用南人其精驗類如此然非可語者雖貴人概不與通嘗署初庵書院山長後屏居鄱陽山中洪武初授婺源教授上遣使與語奇之徵拜太史卒於官琦雖精於數學然通經史大義非以術數名家立言必歸仁義有關世教士大夫用是尤尊慕之

王忠文撰
傳
纂志

潘懷字景達鄱陽人元季與弟侍父希古北走遇寇郭璞山下縛希古索金露刃脅之懷引頸請代父弟亦爭代寇憐其孝併釋之洪武四年懷被薦子震善詩安志朱元律浮梁人洪武中爲福清丞周知民情累歲逋負

不勞而集知縣汪仁狷介元律每濟以和

福建通志

徐旭字孟昭樂平人洪武進士授浙江道監察御史改

禮科又改庶吉士日記事侍上左右帝方屬意進士每

朝羣臣退嘗留備顧問一日呼旭至前將有所任使而

奏對弗克稱旨命分教於房山復教諭鳳陽擢知州事

入史館上書論天下事多不能合遂改吏部考功員外

郎永樂元年拜國子祭酒旭初在考功以天下之治教

在守令與教官守令教官弗稱其任者尤精覈之無少

貸及在太學亦如在考功時僅一年諸生咸凜凜自修

飭而僚屬之不便者譁然議之調雲南參議帝問吏部

尚書蹇義曰旭爲人何如對曰有文學持守而於人寡

合帝曰持守之人固當寡合況兼有文學乎宜寘之近

侍特命除翰林修撰四年考試春闈得疾卒

人物志

余仲敬德興人芑舒孫孩時便識日月字長讀書過目成誦爲文操筆立就曾赴浙闈與同輩詣望江亭觀濤遂成吳山賦雄壯跌宕眾皆歎服試不偶退而潛心周程之學大有所得江淮兵起里中豪傑以舉義諮詢仲敬力言不可散之避亂深山雖顛沛流離講學不輟洪武初中江西鄉試不欲官歸闢一軒扁曰靜學讀書先六經及予史至相卜地理亦造闇奧郡守陶安雅重之薦於朝累徵不起

府志

程萬恭樂平人太祖起兵和州見萬恭才幹卓異授總兵檢校命理宣州值蘄黃賊侵宣境有致仕尚書汪澤民率義兵拒賊力戰弗克萬恭馳逐尚書幕下俱被殺

子黎賓蔭補國學

人物志

劉炳字彥昇鄱陽人元季兵亂與弟煜結里閈相保寇至卻走聞安慶左丞余廷心賢往依之余待以國士計孤軍不振辭歸說參政于光曰當今豪傑無可望者惟金陵仁義之師盍就之以立功光喜卽遣炳往金陵太祖嘉之留參贊帷幄久之命參贊沐總制守鎮江尋授廣武衛親軍指揮使司知事未幾苦目疾得請還鄉復徵大都督府掌記乞外補知東阿縣尋引疾歸著有春雨軒集

人物志

洪初字善初樂平人少師朱公遷爲詩經學公遷作詩經疏義初旦夕左右面錄所草卒賴以傳洪武初舉明經署本縣學訓導用薦知開封府洧川縣

人物志

王琛字廷實鄱陽人遂於易肆力問學雖遭時亂不廢知府陶安雅善琛洪武九年辟爲邑庠訓導後舉應明經科引疾辭強起之詣京復力辭尋卒

人物志

黃季倫字湻齋鄱陽人自少窮墳典有才識任學博未幾至正兵亂解組歸洪武初詔修元史

安志

劉琮玉字潤芳鄱陽人性純孝母病願天求代及葬廬於墓撫從弟妹恩愛篤至素習經史通百家之言陶安覽其詩而善之以清華題其集焉

人物志

余彥誠德興人洪武初以薦對策稱旨授安陸知州坐積逋未完被逮州民數百人疏其善政請於朝帝意其要結付法司嚴勘得實升永州知府時洞寇猖獗彥誠先以計禽賊繼恩撫之洞蠻遂畏慕相率詣府請親詣

其地彥誠坦懷從其請歲臨觀以爲常諸蠻信而化之
尋升浙江布政司參議永樂初郡民詣闕借留復調永
州知府升河東轉運使

人物志

余士美字質夫德興人洪武間爲本邑訓導遷國子助
教帝幸太學命講舜典稱旨賜座褥尋升磁州知州靖
難兵起有王千戶者乘機爲變士美劾奏之反爲所誣
謫海州煎鹽再謫泗州從戎革除後周王新復國上書
求爲輔導官除周府紀善府察皆新進士美歸處其中
有過必諫王獮得奇默問諸寮莫辨士美曰是騶虞也
王獻之朝唐賽兒以妖術作亂王設兵備之事聞逮王
并逮諸府屬以輔導不恭論死獨至士美帝曰此老朕
知其素忠特釋之復其官

人物志

盧福安餘干人以吏員授巡檢時交趾叛福安所莅當戰三捷事聞超升兵部主事踰時賊復熾遂戰死

安志

張里字示仁德興人明初平僞齊里董戰艦有功當遷以母老辭不受涉獵經史所著有東山集

人物志

孟常字德常鄱陽人幼有志操洪武二十七年詔求才幹邑令授蘇州崑山知縣未幾改池州建德邑有蘆束及秋苗逋負累歲徵之不能具常詣闕懇陳得以鈔代部使者言其失職因謝歸永樂元年仍起知建德累考書最留從事秋官調知真定之淶水後致仕

安志

莊叔淵鄱陽人貌魁梧負才器有詩名性好遊上會稽浮河洛抵閩海而返趣益高例歲貢材能一人邑令任

勉舉叔淵銓曹每試高等授蘇州通判尋調甯波皆能其官永樂四年求賢詔下甯波復以叔淵應升知府提調交趾金冶事踰二年疾卒

安志

朱智字存禮鄱陽人博學多才工古文詩歌洪武閒辟爲郡掾後薦授靖江王府紀善宣德六年以老致仕善真行得晉人書法

安志

祝原慶德興人父德忠坐罪且死原慶冒父名代死孫原貞傳其事

林志

董阜民字德之德興人以明經任工部主事時同官有被譖繫獄者阜民疾篤恐其罹刑置諫疏於懷死都門上憐其死諫命禮葬之遂赦被譖者

林志

白志舊案

董二人豫章書

人物志不載林志不詳

時代或云永樂中人

王仲壽字亮中樂平人永樂進士以翰林庶吉士預修永樂大典除山西道御史升河南右參議改湖廣冰檗著聲察宋屈服朝論欲大用之以老引年去

人物志

吳惠字澤民浮梁人永樂進士知永興兵部尚書鄺埜薦其賢升解州知州其俗視永興尤甚惠痛革其弊州輸邊儲挽運甚勞立貪富三等法且聽其附載貨物以易粟上倉費煩減半輸亦告足卒於仕

林志

程勇字文憲樂平人以賢良方正應詔擢山東御史妖婦唐賽兒聚眾作亂勇監軍有功事聞隨擢僉都御史

青州立生祠祀之

人物志

黃信中餘干人知樂清縣奸人紿寡婦至京誣告鄉人謀叛而已逸去有司繫其婦以聞詔行所司會鞫信中

廉得其情獲全者眾盜殺一家三人獄久不決信中禱於神得真盜遠近稱之調錢唐永樂七年課最當遷部

民相率訴於上官乞再任帝嘉之卽擢杭州知府

明史謝子

傳襄

賀祖嗣字思恆鄱陽人永樂進士授刑部主事厯郎中擢行在大理少卿爲人廉介精法律任棘寺一十九年讞鞠明允漢府以逆受誅議屠所部祖嗣力言乃止正統九年出知光州尋致仕孫霖字時望成化進士厯官蘇州知府亦廉明有聲

安志

孫原貞名瑀以字行德興人永樂進士授禮部主事厯郎中英宗初薦擢河南右參政居官清慎有吏才初永樂中徙江南富戶於北京逃且絕則於其鄉僉補原貞

請令官吏大戶犯死罪者免其運磚補富戶數從之遷
浙江左布政使正統末聞浙盜大起雖更赦罷兵原貞
策其必叛圖上方略請爲備禦計賊果再叛發兵討命
原貞參議軍事深入禽其魁而溫州餘賊猶未滅命都
指揮李信爲都督僉事調軍討之遂拜原貞兵部左侍
郎參軍務鎮守浙江丁母憂奪情進兵擣賊巢俘斬賊
首陶得二等追還被掠男女捷聞璽書獎勵請奔喪踰
月還鎮復分兵剿平餘寇奏析瑞安麗水青田三縣地
增設泰順雲和宣平景甯四縣建官置戍盜息遂息論
功進秩二等景泰三年進兵部尚書鎮守如故未幾命
考察福建庶官因留鎮焉福州建甯二府舊有銀冶因
寇亂罷朝議復開原貞執不可乃寢五年冬疏言四方

屯軍率以營繕轉輸諸役妨耕種宜簡精銳實伍餘悉歸之農時不能盡用後劉千斤等之亂果如原貞所料已復移鎮浙江罷歸家居十餘年卒年八十七原貞所至有勞績其在浙江名尤著

明史列卿錄

徐爵字宗器餘干人永樂進士授監察御史立朝謇諤風力素勁人不敢干以私太宗常以小御史呼之

林志

戴弁字士章浮梁人領鄉薦訓導崇陽召拜兵科給事中奉旨行邊升陝西參議城迭烈以禦寇衝屯張掖以助軍餉進湖廣參政調廣東廉雷諸郡猺梗化弁挺身出諭之曰我戴參政也爾輩何冒死爲此賊羅拜而退廣州被圍久乏食發廩賑之募敢死士焚其攻具遣使

以疾乞歸從子瑞珉連皆舉進士瑞字廷美選翰林庶
吉士厯官吏部郎中珉字廷振授兵部主事轉郎中連
字廷獻授大理評事一時稱盛

人物志

方冊字載道德興人永樂進士選翰林庶吉士時交趾
初置郡縣選經術疏通識達治體者冊改授當道縣令
興學育才風俗丕變尚書黃福鎮交趾聞冊多才略命
捕平原大蠻紅衣麻火輪叛寇比至諭以順逆賊各解
去丁外艱服闋補廣東新興令拜監察御史巡山東廣
東轉福建按察使沙尤寇亂諸郡騷動冊馳奏朝命甯
陽侯陳懋刑部尚書金濂督兵討之冊言賊黨多被脅
良民願先往撫遂深入巢穴招之不戰而歸順復業者
三萬六千六百餘人賊勢日蹙乃分路進討賊用以平

卒於官

人物志

葉恕字如心樂平人永樂進士拜北平道御史適浙江溫州銀鑛大發廷議須以法官臨之遴選恕往比至規畫有條清操著聲繼按浙江湖廣諸道振吏治肅紀綱所至郡境晏然以事謫監利丞家居淡薄自持尤篤孝思構思親堂以志永慕

安志

程善字本善鄱陽人永樂閒鄉貢授舒城知縣多惠政以父憂去舒民詣闕疏留服闋復任舒再丁內艱舒民留如前詔允之如期起原官前後歷十八年秩滿又留以知州掌舒城縣事兩自舒還蕭然一橐居宇不蔽風

雨

安志

劉莘字志尹鄱陽人永樂進士授行人嘗奉使齊魯閩

蜀關陝閒足迹幾徧天下宣德十年遷儀制員外調考功郎汰官吏六百餘員擢福建參議奏減課銀幾乎調山東築河隄幾千丈築臨清城十里爲人醇厚通達累仕六朝皆著績景泰二年乞歸

人物志

李復觀名光以字行安仁人性敏敦行以易第進士永樂初知福建邵武縣能以文學飾吏事不假鞭朴而民信服

人物志

舒謨字愷政樂平人永樂進士知杞縣調旌德政尚廉慈百姓愛慕繼以憂改定海定海鄙遠壓於兵鎮舊令苦掣肘謨律己處交一出於正武并敬服遂得竟所施廷覲選留都臺理刑拜監察御史

人物志

馮誠字志誠浮梁人以童子舉秀才有葉懋者易而侮

之後誠巡按陝西懋以貢任平遼衛倉官失職論死誠
讞貸之時稱長者臬楚楚王舅張顯祖殺人王爲賂而
誠拒之論如法其操守如此安志

高峻字恆安餘干人宣德進士授監察御史巡按巴蜀
平松潘叛按畿內辨冤獄倭寇犯浙江敕峻行且假便
宜卒成乃績官至浙江參政林志
高峻爲永樂庚戌進士者
謝志舊案舊志以訖庚戌宣德五年也
白志據登科錄改正

葉昇字日新樂平人幼失怙事母惟謹母病篤剗股和
糜以進明日母遂愈子培十歲喪母號慟欲死父紓解
乃止求工對真刻母像置一龕晨夕告奠父卒復肖像
合祀於堂自少至老哀慕如一日蓋父子稱孝云府志
王逢字原夫樂平人幼穎異不凡比長師事洪初初之

學得於朱公遷公遷得之吳中中得之饒魯道脈所自
逢以心會焉乃厭科舉業研精道德性命之懿薦授富
陽訓導不就退歸鄉塾宣德三年復以明經辟召見堅
辭不就職歸足迹不入城市毅然以斯道爲己任著有
言行志自書其廬曰松鳴學者稱松鳴先生

人物志

王弼字廷輔鄱陽人宣德進士正統閒授戶科給事中
厯兵科都給事累上疏言時政會歲饑請蠲逋負再三
諱切得允升順天府丞修山海居庸邊防有區畫巡應
天府丞累疏乞歸卒於家

林志

何英字積中鄱陽人性警敏不事詞章學於王逢得饒
魯黃幹之傳累薦不起建玉溪書院以納天下來學著
有四書釋要詩經增釋易經發明崇祀鄉賢祠

林志

胡居仁字叔心餘干人間吳與弼講學崇仁往從之游絕意仕進其學以忠信爲先以求放心爲要因以敬名齋端莊凝重對妻子如嚴賓手置一冊詳書得失用自程考築室山中四方來學者甚眾皆告之曰學以爲己勿求人知著有居業錄蓋取修辭立誠之意居仁性行湊篤居喪骨立非杖不能起三年不入寢門與人語終日不及利祿與羅倫張元禎友善數會於弋陽龜峯嘗言陳獻章學近禪悟莊暴詩止豪曠此風旣成爲害不細又病儒者撰述繁蕪謂朱子注參同契陰符經皆不作可也督學李齡鍾成相繼聘主白鹿書院過饒城淮王請講易傳待以賓師之禮是時吳與弼以學名於世受知朝廷然學者或有閒言居仁闔修自守布衣終

其身人以爲薛瑄之後粹然一出於正居仁一人而已

卒年五十一萬曆十三年從祀孔廟追謚文敬

明史

劉傑樂平人正統三年任義烏縣丞爲政識大體息虎患倅糧區設法以備賑乞王忠文祭謚旱荒奏蠲糧稅上封事十條采行其九秩滿民詣闕乞留

人物志

黃璧字廷玉浮梁人登鄉薦任紹興同知性好學剛而

有制守潔政平民甚宜之秩滿去郡惟圖書衣被而已

人物志

汪炎字廷用樂平人正統進士由行人擢監察御史貴州蠻獠諸谿洞猖獗少保于謙謂非炎不可請得炎按治與都御史王來等共經畫之貴州平代還軍民遮道願留按浙江病勞輒發粟賑貸婺富民私鄰婦而殺其

女獄無證累年有烏爲冕怨聲炎廉之卽烏所止處得其屍論如法擢山東副使值濟南蝗捕殺之且上言山東爲朝廷咽喉凡徭役糧草皆宜停罷用甦民困以母喪歸貴州盜復起朝議用炎卽家起復之卒於道

人物志

葉冕字拱辰鄱陽人正統進士授南京刑部主事擢知松江府廉明公正鋤強植弱民畏而服之時連歲饑饉冕悉力賑救賴以全活者甚眾府有澠山湖其半屬崑山界湖隄壞彼此莫肯修冕獨爲築萬餘丈蘇人愧之秩滿升山東參政晉副都御史致仕

人物志

鄭冕字宜端樂平人正統進士拜監察御史適兩淮饑冕至發倉廩賑貸招還流亡天順閒總戎石亨怙寵擅威福冕偕臺僚論其奸亨訴於上盡遷謫之臺諫一空

冕得衡山尹至則斂惠一邑務綏生民厯六年亨敗始用薦者擢知衡州府以禱雨遭疾歿於官

人物志

劉濟字時用鄱陽人正統進士授兵部主事升郎中改吏部孜孜以汲引爲務惟恐遺才進左通政預知制誥

人物志

余亢字拱辰德興人正統舉人厯事都察院考異材特授監察御史操法嚴謹彈劾無所顧避爲臺長所擠謫知甯海縣執法一如御史時以外艱去職

人物志

童軒字士昂鄱陽人景泰進士授南吏科給事中英宗復辟上疏言弭盜安民數事切時弊改戶科給事中憲宗踐祚首上疏言帝王之治在先本而後末簿書刑名其末也優詔答之四川盜起廷議軒才識足任馳至賊

巢宣布朝廷恩威賊羅拜以降進都給事中次年賊復猖獗謫壽昌知縣六年擢雲南提學僉事召拜太常寺少卿進本寺卿以都察院右副都御史提督松潘軍務疏言松茂戍守甚艱宜調兵設衛守之四處要路各設倉以便轉輸凡八害三利條畫以聞擢南京吏部侍郎署禮部尚書三疏懇求致仕所著有清風亭集枕肱集

林志

劉城字廷高鄱陽人自少磊落有大志景泰順天鄉薦選授監察御史依馬直隸山東河南巡按鳳陽陝西督餉貴州雅著風裁升福建副使上杭盜起詔起都御史高明勦之高興疾以兵事屬城城深入大捷梟渠魁散脅從請立巡司又擇其幼者充生員次充吏使漸染於

化高備疏其績歷升按察使廣西右布政使右副都御史巡撫河南

林志

吳中字時中樂平人景泰進士授清流知縣改知東莞才名藉甚都御史韓雍鎮兩廣時洞獠猖獗率兵征剿中先期令四門出入者人截一袂實糗糧聚之軍至人給一囊而去韓以爲能因薦守廣州拊循一方僚屬翕然嚮化繼改梧州治績如茲廣州時擢貴州參政升左

布政

人物志

戴琥字廷節浮梁人景泰鄉薦授監察御史劾罷巡江不職二重臣又疏論南京大臣考察僚屬任情取舍出知紹興府首濬范文正公清白泉以勵僚屬次第新郡邑學宮增祀鄉賢獨黜虞世南埋蘭亭石刻葺會稽宋

諸陵置典守洒掃水旱歲饑奏蠲民上供再饑奏蠲三
之一築堤數十萬丈捍海得田四萬餘畝民稱戴公堤
又築橫塘壩而斥鹵地多可田建柘林等處七閘立石
刻木示民時啟閉蓄洩去日民攀號塞道擢廣西左參
政疾劇乞歸

紹興府志

戴珊字廷珍浮梁人父哔由鄉舉官嘉興教授有學行
珊幼嗜學天順進士擢御史督南畿學政遷陝西副使
仍督學政正身率教士皆愛慕之歷浙江按察使福建
布政使終任不攜一土物宏治二年擢右副都御史撫
治鄖陽蜀盜野王剛流劫竹山平利珊討禽其魁入厯
刑部左右侍郎進南京刑部尚書召爲左都御史考察
京官珊廉介不苟合給事中吳舜王蓋自疑見黜連疏

詆吏部尚書馬文升并言珊縱妻子納賄珊等乞罷帝
憲留之下薦蓋詔獄命文升珊卽舉察事珊等言兩入
逆計當黜故先劾臣等今黜之彼必曰是挾私也苟避
不黜則負委任而使詐譖者得志帝命上兩人事曠皆
黜之帝晚年召對大臣珊與劉大夏造膝宴見尤數一
日與大夏侍坐帝曰時當述職諸大臣皆杜門如二卿
者雖日見客何害袖出白金賚之曰少佐而廉且屬勿
廷謝曰恐爲他人忌也珊以老疾數求退帝語大夏曰
朕以天下事付卿輩猶家人父子今太平未兆何忍言
歸大夏出以告珊瑚泣曰臣死是官矣帝旣崩珊以新
君嗣位不忍言去力疾視事疾作遂卒贈太子太保謚

胡靖字汝甯德興人初名德盛英宗賜名靖第進士授御史慷慨任事風裁凜然轉陝西僉事時值寇亂邊務方殷靖措置嚴密境內以安爲湖廣按察使升山東布政使厯官三十年所至雖楮墨僅取充用俸祿自給外不留贏餘布袍疏食家無積粟居無甯宇嘉靖閒建祠祀之人物志

趙哲字民彝餘干人天順己丑就試銓曹葉盛奇其策授衡州同知憂去改嘉興時楊繼宗作守哲寬以濟之嘉甚苦海潮多墊溺築堤捍之擢兩浙運同刻鹽弊更定三限法民便課亦足上疏乞歸人物志

嚴彪字彌中鄱陽人天順鄉薦司訓歸安改建陽擢縣願復領教職尚書尹閔歎以爲難升山陰教諭有兄弟

爭訟者諭以天性因引咎自責兄弟感悟遂成友愛周生漳事繼母孝歲試當黜彪亟白督學因以充貢由是士咸知激勸敦行病足致仕歸嘗自謂母老可就教職性淡可辭熟官足病可蚤引退號三可人稱爲三可先生

人物志

黎福字天與樂平人天順進士授監察御史出知鎮江改知甯國累官右副都御史撫治鄖陽以疾致仕福居官必稱職其爲御史數疏天下利病間及宮闈事按眞定貴戚有强占民田厯數御史不敢辨悉奪還之按四川平反冤獄尤爲川人所稱鎮江軍衛雜處武人暴虐無所忌民素苦之及聞福來皆惴不敢犯鄖陽節制三省首察文武吏才不當任者易置之流民安業擢南京

兵部侍郎卒

林志

邱霽字時雍鄱陽人天順進士厯官蘇州知府幼穎悟能詩文工懷素草法負才子名著有草堂集

人物志

辜顥字子敬安仁人天順進士授吏部主事遷兵部郎中擢廣西參政柳慶蠻獠雜處最稱難治推示誠信卒皆率服年五十致仕

人物志

程楷字正之樂平人性警敏爲文尚奧古自成一家成化丁未會元改翰林院庶吉士授編修預修會典尋卒

林志

張憲字廷式德興人成化進士授考功主事厯郎中十有四年廉慎公勤如一日升山東左參政行部所至興廢典釋冤繫升浙江布政使閱庫藏主吏報羨銀若干

封識表之穆官工部右侍郎總理易州山局五月公差
例日廩五升省八郡常供之餽簿書關防宿臺十去七
八還莅部事會武宗卽位諸邊告急戶部言鹽法久壞
請遣重臣釐正遂兼都察院左僉都御史以行親厯諸
場炎瘴無所避事且就緒劉瑾專權議革巡撫召還越
二年改南京都察院升南京禮部尚書瑾終惡其不附
已月餘內批致仕

人物志

彭程字萬里鄱陽人成化進士授御史巡視京城降人
雜處多爲盜事發則投戚里奄豎爲窟穴程每先機制
之有發輒得宏治中巡鹽兩浙代還巡視光祿上疏言
臣適見光祿造皇壇器皇壇者先帝修齋行法之所陞
下卽位此類廢斥盡何復有皇壇煩製器頃李孜省繼

曉輩倡邪說而先帝篤信之者意在遠希福壽也今二人已伏重辟則禍患之來二人尚不能自免豈能福壽他人請治所司逢迎罪時帝無皇壇造器之命特光祿姑爲備帝得程奏大怒以爲暴揚先帝過失立下錦衣獄付程刑部定罪尚書彭韶等擬贖杖還職帝欲置之死命擊之韶等復疏救程子尚三上章乞代父死不聽並家屬戍邊程母李氏年老無他子叩闕乞留侍養不許子尚隨父戍所遂舉廣西鄉試明年帝念程母老放還其後劉瑾亂政追論程巡鹽時稍虧額課勒其家償程死久矣止遺一孫女罄產不足則並女鬻之行道皆爲流涕白志

干準字世範安仁人領鄉舉厯長沙衛輝判有惠及民

嘗吞蝗蝗悉死民得有秋遷松江同知罹火災拜禱遂
息部使者薦之秩滿乞致仕升知本府俾仍還蒞事三
日去時人高之人物志

舒清字本直德興人成化進士授工部主事裁抑浮費
中貴憾之抽分浙江榷政爲民築隄以禦水患號舒公
冕尋遷員外郎奉差適徽州於均州掘地得錢十八萬
緡奏入公帑自營繕郎中升河南參議屬河泛城灌巡
守諸臣咸求舟自濟清獨取舟焚之眾始一力防塞二
日水降城卒無虞歲饑請邀運米百萬分給一省全活
甚眾尋升四川參政立遞減法以便民轉廣西左布政
先是猺獞叛服不常清單舸諭以恩信皆帖服無敢動
駕帖取庫藏銅鼓槌諸物清以節用愛人疏進又取古

琴諸物清以不貴異物疏進田州土官承襲具謝金斤
出備軍餉民鑾懷附尋以疾乞休厯仕三十餘年清約
如寒素著有直庵集

林志

孫弁字文冕浮梁人成化進士知龍游擢御史累疏論
天下大計風裁凜然按廣東南畿遷浙江僉事弁初出
龍游有豪書里門云虎去山猶在弁續曰山深虎又來
後果以僉事至邑翦除殆盡

人物志

祝瀾字有本德興人成化進士授兵科給事中立朝剛
直敢言初論彗星之變繼論尚書王恢李秉都御史韓
雍高明皆負天下望不宜閒處言甚剴切嘗夜草奏指
摘宮闈鐙忽爆滅至再家人慮不測勸瀾止瀾艴然竟
持奏上之廷杖得不死謫安州判尋遷國子監丞上廟

祀議以聖賢像宜從明初定制祀木主顏無繇曾點孔
鯉以父列於廟顏淵曾參孔伋以子坐於殿尊卑失倫
殊爲未當先師父母未沾褒封似爲缺典請褒封叔梁
紇仍於大成殿東別立一廟祀之以顏無繇曾點孔鯉
配享左右并罷苟況公伯寮從祀通行天下郡學遵守
疏上下禮部議不合再謫雲南廣西府經歷瀟慷慨尚
氣節不以生死禍福爲意後其廟議皆已采行瀟爲人
多大節爲諸生時聘舒氏女亡何女雙育其父母欲改
適瀟不可竟娶瞽女與之終身林志

程廷珙字獻之浮梁人性孝友居母喪三年不御酒肉
成化進士授南京吏部主事進郎中升福建參議榜禁
不法三十餘事開渠建陽以利灌溉福甯疫厲大作力

賑之由廣西參政進布政使時蠻寇甚猖獗渠魁黃鑑成等勦禽殆盡又東闢吞併往諭禍福隨解土官爭長以法定之母敢議謝以金二甕卻不受踰年竟卒於粵

林志

孫需字孚吉原貞之孫成化進士爲常州府推官疑獄立剖擢南京御史劾僧繼曉忤旨予杖出爲四川副使宏治中累官右副都御史巡撫河南歲凶募民築汎河隄隄成饑者亦濟鎮守中官劉瑯貪橫奸民赴瑯訟需論之戍瑯跪請執不聽瑯恨次骨會大臣子橫於瑯需裁約之瑯與謀改需撫陝西尋改撫鄖陽安輯流民占籍者九萬餘戶正德元年召爲南京兵部右侍郎四年就拜禮部尚書劉瑾惡需追論撫河南時事罰米輸邊

令致仕瑾誅起南京工部尚書就改刑吏二部十三年乞休去嘉靖初卒謚清簡

明史孫原貞傳

虞訥樂平人五世同居有家範人無閒言事聞旌之
林戴連字廷獻浮梁人力學希古登成化丙戌科人稱爲

五經進士授大理評事未究厥施而卒所著有知非集

林志

潘葵字日臣浮梁人幼孤有志性理之學事母孝廬墓
三年選補邑庠苦志力行始終不渝所著有皇極數傳
洪範本傳易思得錄厯法世論深衣說石室集諸書林志
蘇章字文簡餘干人成化進士授兵部主事以星變言
事謫姚安通判升松江同知後知延平府案上大書忍
字以自警又建寶章閣創道南祠合祀楊羅李三大儒

漳平寇作躬劄永安設謀勦捕賊不敢窺擢浙江參政
嬰風疾不起

人物志

彭福字綏之樂平人成化進士知泰州歲例泰解邊馬
五十三匹途多斃解者毀家償之又歲輸軍豆苦於遠
運福皆奏免之守備昌姓者嗾家奴倚勢支鹽福命搜
下獄奏劾違制遂落昌職泰遂稱治福性剛介遇事敢
爲權幸私干壁立不少動以故得謗引年乞休歸之明
年泰民赴京奏起之不報

府志

祝徑字直夫德興人登進士初授給事兩奉使藩餽遺
不受疏阻中貴李廣乞地及巨璫李興之再入劾罷漕
運總督張緯奏定勅臣侯伯祿之常額以言事下獄尋
釋爲河南參政查巨盈庫藏掘發地中瘞銀舊無稽查

者一一籍之官督建汝王府第內侍貪酷害民徑緝之以法修防黃河穿地築隄通徐州呂梁洪有功卒於

官志

人物

董閔字子仁樂平人成化進士擢兵科給事中風節自礪時萬貴妃擅寵昭德宮言官交奏不報閔偕御史林誠連章終論之詔撻於闕廷幾死再起益振烈指諭冢宰姚一夔等無所貸戊戌琉球中山王請封閔充正使卻贐金不得歸以聞詔使之受擢吏科都給事中憲皇帝久虛主鬯時孝宗已在潛邸人畏昭德莫敢以爲言會星變因倡論之始正儲副尋坐誣謫知雲南之石城雲南雜蠻獠動以戈戟相逞乃說以禮義皆翕然從孝宗卽位起擢雲南左參議父憂後改四川人

張吉字克修餘干人成化進士除工部主事時李孜省
僧繼曉以左道進會星變吉上疏顯劾二人罪其黨欲
摭吉過不可得諷吏部尚書尹閔謫吉景東通判土官
陶洪遣子榮來學民漸知化遷肇慶同知築堤防水瓦
三縣又爲竇以殺衝決民德之號張公隄遷梧州知府
崇正學飭文廟樂舞政教並行升廣西兵備副使以府
江東西二賊相爲犄角而東賊慄悍尤甚遂併力於東
數月之間斬獲甚眾西賊聞之亦皆自戢府江以甯後
考績入京有更張其法者賊復乘時而起鎮巡以聞詔
促吉還任在府江七年武廟御極邊方侵擾陳便宜策
以貴州布政使養疾家居卒著有三朝奏議陸學訂疑
貞觀上斷諸集子岱進士御史有父風林志

余祐字子積鄱陽人年十九師事胡居仁居仁以女妻之宏治進士爲南京刑部員外郎以事忤劉瑾落職瑾誅起爲福州知府鎮守太監市物不予以直民羣訴於祐慰遣之云將列狀上聞鎮守懼稍戢然恚甚遣人入京告其黨曰不去余祐鎮守不得自遂也然祐素廉撫拾竟無所得未幾遷山東副使父憂服闋補徐州兵備副使中官王敬運進御物多挾商船與知州樊準指揮王良詬良發其違禁物敬懼詣祐求解祐不聽敬誣奏準等毆已遂并逮祐謫南甯府同知稍遷韶州知府投劾去嘉靖初厯遷雲南布政使以太僕卿召未行改吏部

右侍郎祐已先卒

明史胡居仁傳

劉連字廷美鄱陽人宏治進士授刑部主事升員外郎

中每疑獄或廷尉駁惟連所覆得其情升柳州知府時
猺獞肆掠都御史率士校討之多連畫計既而魚峯賊
周鑒煽亂連率輕甲掩擊值後軍不繼遇害

人物志

詹陵字良卿樂平人宏治鄉薦任鄭州學正後改瀘州
升知甯遠縣甫三月政教大張偶感疾因思朱子沒沒

功名語毅然乞休家居益邃於學嘗以主敬爲先

人物志

史梓芳字景賢鄱陽人孕十五月而生性穎敏博通經
史與劉應麟祝世祿同硯席皆以國士期之生平湛心
理學授徒必以敦行爲先嘗曰士苟能遠聲利薄嗜欲
便是真實學問乃作三畏箴四知銘以自警焉

人物志

彭應奎字勉文樂平人宏治乙卯鄉試第一穎敏絕倫
著作甚富有白涯文集行世

人物志

劉麟字元瑞本安仁人世爲南京廣洋衛副千戶與顧璘徐禎卿稱三才子宏治進士言官龐泮等下獄麟抗疏救除刑部主事進員外郎錄囚畿內卒反三百九十一人正德初進郎中出爲紹興知府劉瑾銜麟不謁謝甫五月摭前錄囚細故罷爲民士民爲建小劉祠以配漢劉寵因寓湖州瑾誅起補西安進陝西左參政督糧儲都御史鄧璋議加賦充餉麟力爭尋遷雲南按察使謝病歸嘉靖初召拜太僕卿進右副都御史巡撫保定六府再引疾歸起大理卿拜工部尚書侍衛軍不給衣履錦衣帥駱安援紅盃軍例以請麟執不可詔量給銀自製後五載一給爲常四司財物悉貯後堂大庫司官出納多侵漁麟請特除一郎官主之賜名節慎庫已上

節財十四事汰內府諸監局冒破錢中貴大恨會帝納諫官言停中外雜派工役麟牒停浙江蘇松織造而上供袍服在停中中官吳勳以爲言遂勒致仕家居三十餘年晚好樓居力不能構懸籃輿於梁曲臥其中名曰神樓文徵明繪圖遺之年八十七卒贈太子少保謚清

惠明

程誥字欽之樂平人宏治進士授刑部主事數決疑獄改工部督臨清關閘尋擢本司員外郎轉虞衡都水時逆瑾專恣諫垣結舌誥與尹之任連名疏劾爲瑾中傷出知廣之雷州比至郡海潮溢蕩析民居誥捐俸賑濟請免田租之半民賴以蘇人物志

范憲樂平人以才行舉授東莞丞性沈毅寡言笑在事

八年民多戴之土寧黃循等陰黨叛賊來攻邑城憲率
兵民禦之眾寡不敵死焉

廣東通志

胡奎鄱陽舉人任黃州知府凡七年政尚寬厚好爲民
興利務在富之勤於勸農暇則訓校諸生多興起者

湖廣通志

葉綬字叔章上虞人祖砥如知饒州府綬遂占籍鄱陽
補郡學弟子員中江西鄉試授應州學正綬儀觀清癯
學問該博尤善古篆

府志

張蟾鄱陽人爲忠州守廉介剛直時中官采木蜀中大
肆貪暴沿江諸郡爲之騷動蟾禽其僕從將劾之中官
懼請謝引去

四川通志

祝祥字廷瑞本姓王浮梁人官御史時因言事忤權貴

被謫後知靜甯州有治才厯任九載勸農興學政績顯著升汝甯知府

陝西通志

趙琥餘干人由舉人教諭聞中孝弟謙恭勤慎清介詩文清雅嘗爲蜀志總裁三典文衡所拔多知名士撫臣章薦在道而卒著有綠舟聯韻圭齋文集解峯文稿藏於家

四川通志

余緇鄱陽人進士正德中巡按四川逐貪污舉廢墜當逆瑾擅權時獨持風裁如緇者不多見云

四川通志

方選浮梁人正德進士知四會縣不以眾自隨清介如一商人河稅錢里甲直曰收徵常例皆革之爲政存大體節用裕民後遷秩去

廣東通志

桂華字子朴安仁人正德癸酉鄉薦姚源盜起華請以

賑濟粟募民築城爲捍禦計會甯藩蓄逆謀陰使其腹
心兵備王綸羅致華使助己華時居母喪綸旬日三奠
其母靈華揣知其情議論必依忠孝綸卒不敢出一語
而去天性孝友居喪不用浮屠有古山先生集二十卷

人物志

桂秀字子實餘干人邑學生奇傑有學識姚源賊每發
人墳墓秀憤其祖墓爲所發率子弟倡義兵攻之與賊
戰於回跋奮勇陷陣父子及門人俞相等俱死

府志

吳祚字天錫餘干人由吏員授陽朔典史致仕姚源賊
猖獗參政董朴以祚在陽朔從征賀縣賊有功檄領兵
三千進攻梁山時天大霧營柵火起官兵大敗祚力戰
斬十三人而死賊平贈祚承德郎蔭其子

府志

周輅字乘之安仁人質直敦厚忠孝出於天性以貢授
滄州訓致仕家居羣賊掩至抱之擁上馬欲以爲謀主
輅厲聲曰我讀聖賢書食君上祿豈肯與鼠賊處邪賊
百計誘之罵愈厲遂遇害

安志

張樂字叔喬德興人正德進士授刑部主事劉瑾用事
左遷鳳陽教授瑾敗起歸德同知署開封府事築城禦
寇有功以薦知柳州府升南京刑部員外所著有太極

圖解

費文憲
摘錄

盧瓊字獻卿浮梁人正德進士授固始令固始方中寇
瓊至而撫集之飭政興財百廢具舉擢監察御史嘉靖
初上言景帝有撥亂大功而實錄猶稱郕戾王乞改撰
疏爭大禮其略曰陛下在興國則爲興獻王嗣繼大統

則爲孝宗後雖長子不得爲人後不能斷之於先而今可改乎上怒廷杖幾斃尋以劾郭勛被誣謫戍遼東十年乃赦歸其後臺省交章論薦報可瓊固辭年八十一卒隆慶初贈光祿少卿

明史馬錄傳
人物志

桂萼字子實安仁人正德進士嘉靖初令成安下車卽詢問風俗知民間無蓄積而尚奢靡於是覈田畝減供需汰夫役釐弊端於便民鄰邑有疑獄久不決者多來質成片語折之兩造俱服期年擢南刑部主事與張璁等議大禮力詆執政召爲翰林學士受知特深累官禮部尚書大學士卒謚文襄

明史直隸通志謹案桂萼傳白志據王鴻

續明史纂編入述議禮事甚詳謝志僅據直隸通志若萼不與議禮者殆有所諱邪

張鍊字文輔安仁人正德進士初宰遂昌江西姚源盜

發四境騷動捧檄率兵進討寇遁擢御史巡按

江西露

章劾逆瑾有直聲巡撫雲貴邊事咸理居官四十餘年

以清廉著仕至工部侍郎會九廟災自陳致仕

人物志

余廷瓊字伯獻鄱陽人正德進士官行人司副武宗

南巡廷瓊率其僚陳巡遊十不可皆人所不敢言者疏

入上震怒杖於廷下獄旣而釋之卒於外嘉靖初遣官

諭祭有追念忠誠曷勝悼惜之語贈太常丞錄一子入

國學

明史何道林志

王由道字汝充樂平人正德丁卯鄉薦警敏辨博在京

醉罵權閹劉瑾被斥著有古狂文集

人物志

舒林字叔喬樂平人正德進士拜御史侃直不撓慨然
有澄清志撫臣陶炎軍政不肅抗疏論之宦成清苦如

寒微詩文高古士林崇之

府志

李榕字全年鄱陽人好畜書罷同安教諭歸構一樓宅後俯瞰東湖扁曰玩鷗自題其柱云近湖不與鷗爭水到岸方知我有家徜徉其閒裁花讀書以終老卒年九

十四

人物志

黎澄字本靜樂平人嘉靖進士選庶常與修武宗實錄改禮科給事中督學廣西建學造士轉參議家居力敦孝友沈酣經史著有春草堂集

人物志

余鏞字子振德興人嘉靖進士授推官徵拜山西道御史巡居庸闢劾罷太監劉岑姚正按湖廣發楚府世子諸不法事權貴忌之謫宿州判厯官刑部郎升守保定府疏陳四事曰精選官軍增築城垣招募士兵取回驛

站歲饑捐俸買稻助賑爲富民倡再守衢州卒於官人
物志

余爌字德明樂平人嘉靖進士授行人擢兵科給事中時銓部許讚挾權市私爌連章劾讚及選司李棟竝罷去又直疏邊方撫臣龍大有樊繼祖等貪冒失機之罪薦宿望名臣曾銑韓邦奇朝論壯之以直忤時謫浙江布政司都事尋擢建陽尹治功卓異累遷按察司僉事會安谿九龍洞劇盜嘯聚劫戮滋蔓爌調度官兵進逼諸險出奇揜擊賊魁陳日輝就禽閩人士爲勤平寇碑頌功德官至副使豫章書

曹天憲字恆卿浮梁人嘉靖進士知新昌剛廉不習脂韋躬先節儉禁絕饋遺燕飲裁省夫役每延儒生至寢

室蔬食相對蕭然如寒士著賦役成規勒之石歲大旱
布袍芒履烈日中出舍僧寺凡閱月爲文責城隍至欲
自焚以謝百姓已而雨浹歲登民皆德之擢兵部職方
主事從侍郎范璣巡邊凡衝隘要塞躬履畫圖至古北
口見其地陡絕險扼而守備單弱請亟更立重鎮尋遷
武定兵備再遷四川參議以抗直忤御史議調歸

豫章
書

吳宗吉浮染人弱冠鄉薦令清河值河泗水患民多逃
竄給牛種招徠復業遷蘇州同知九年遷兩浙運同升
貴州黎平知府入覲道卒厯官三十餘年不爲子孫田
宅計黎平後守乘其死以庫藏不明陷之移文拘提其
子巡按使者吳人也素識其清介嘆曰此公九載蘇州
止飲蘇水其可誣乎疏豁免之

府志

方逢堯字景雍樂平人嘉靖甲午選貢歷徐聞靈山二
縣令所至多惠政在徐聞七年征黎有方略民賴以安
時盜劫罷官於途蔓誣三邑逢堯方觀回廉其枉力爲
辨白緝真盜并所掠以報當道悉改成案活冤獄百餘
人尋擢南安知州

府志

祝世祿字無功德興人嘉靖鄉舉諭黃陂以學爲教己
丑成進士令休甯有兄弟訟十餘年不解者世祿曰此
未可曲直折也乃係以銀鑺而坐之獄令朝夕同起臥
久之遂爲兄弟如初及選南吏垣礦稅起留都兩廠監
駐徽甯餒張甚欲令二千石以下庭謁之世祿取儀注
刪定爲平交禮九載考滿升南京尚寶卿京察降調卒
世祿工詩善草書談理獨抒心得人人解頤故講學之

士尤思之

人物志

高美字文中樂平人嘉靖鄉薦知濱州州瀕海地遇歲歉民輒流移美卽隙地建倉以備賑築漏澤園以掩胔循行以勸稼校士練兵政績甚著上特賜劄嘉獎升刑部郎中

人物志

周榮字勉仁樂平人少警慧博學尤邃於易登嘉靖進士官行人奉詔督江南三省軍器廩餉外一無所擾轉工部主事時冬官司匠徒每苦中貴凌制榮不屈權勢卒於官

人物志

周禮字時敘樂平人嘉靖進士授工部主事廉慎忠勤歷官二十年如一日擢福建參政至閩倭寇竊發奉命專巡海道設方略以禦要害地方得甯

府志

章書字宏載餘干人嘉靖進士授南京吏部主事厯員外郎中升四川順慶知府時大饑講求荒政民無遷徙屬邑盜起多方撫綏撫按上其事賜金幣超升四川參政改廣西分守勦平山寇民賴以甯以廣西按察使致仕

府志

胡永和字履初萬年人性醇謹博學沈潛領鄉薦授廣東肇慶司李廉介明允民懷其德威卒於官鬻婢僕以資輿櫬鄉里競傳其賢云

府志

操時賢浮梁人進士嘉靖間知東明縣廉平公慎首逆猾吏清三省賊巢殲其渠魁課農導士一方稱樂利焉卒祀名宦

直隸通志

戴時雍字逢堯浮梁人嘉靖進士知雲南廣西府改築

碑城約己省刑勸農課士民懷其德立祠祀之

雲南通志

胡鐸鄱陽人嘉靖間知綦江實心愛民催科不擾一錢

不入私囊卒於任貧莫能歸喪殯於城南士民哀之

四川通志

志通

李信中浮梁人三歲孤母與嬪黃氏忤因事誣以奸母不能白縊死信中年十二知之泣誓母墓而行傭抵京師訴於朝上嘉歎論黃死欲授之官信中辭曰乞歸報母上手摩其頸曰人家乃有此兒取黃帛親爲裹髮資之歸終身不冠櫛

安志

蔡天祥字君瑞餘干人事母孝一日母疾思食鵠鶉天祥求之莽中得兩翼母夢神人語之曰汝子孝天與汝九其後母年增九歲

安志

謝志舊案安志鄱陽鄧文

煥章全應善劉彥清李岐史仲偉

文

文

文

文

朱厚鎮

王永年樂平程仕簡陶慶黎士望程頤夏子明

浮梁王璡李瓊王蔡文斌安仁倪蒼倪旺皆載孝義傳

朱厚鎮王永年樂平程仕簡陶慶黎士望程頤夏子明
浮梁王璡李瓊王蔡文斌安仁倪蒼倪旺皆載孝義傳

舒鼇字子化德興人嘉靖進士授仁和知縣杭例舊有公費千金鼇盡革之入觀無資遺力回家稱貸時稱其治行第一隨擢御史巡按湖廣

安志

舒春芳字景仁鄱陽人嘉靖進士授南刑部主事丁內外艱服闋補刑部以疾乞歸杜門謝客授徒芝山寺告滿仍補原官署員外郎擢福建僉事備兵建甯頻禦海倭山寇一方底靖暇進諸生講析考亭西山之學風其鄉人刊示東萊官箴以厲屬吏參政湖廣值景王之國攝綜供億事集費省升貴州提學副使春芳天性醇篤口無妄言其學師法薛瑄反身懋求切問近取不爲空談所至以學爲政

人物

史桂芳字景實鄱陽人嘉靖進士起家歙縣令徵爲南京刑部主事晉郎中出知延平府再補汝甯遷兩浙鹽運使以歸先是嶺表鄧德昌陳獻章弟子也以其學授傅明應桂芳讀書鹿洞傳一見奇之手書古格言以勸桂芳懼然嚮學之意自此始其後交於羅汝芳耿定向在歙又與錢同文爲寮講於學者日力定向嘗曰平生得三益友皆良藥也胡廬山爲正氣散羅近溪爲越鞠丸史惺堂爲排毒散桂芳在汝甯與諸生論學諸生或謁歸請益卽帳案牘對之刺刺不休談畢珍重曰慎無弁髦吾言也激發屬吏言辭慷慨遂平令故有貪名聞之流涕翻然改行郡有孝女不嫁養父桂芳拜其廬民俗爲之一變其守延平七日憂去而盡革從前無名之

費明儒
學案

程良字明輔樂平人嘉靖進士任仁和知縣審徭編卻
靡費識王柏之文於里胥中免役就學隨登第富民張
洪納徭銀晚出銀山寺遇有鬻桑葉者斃於盜地里以
訟洪良據理白洪冤獲貞犯於他所其明察多類此
人物志

吳汝新字勉之安仁人舉於鄉進學南雍授德慶州守
單車之官德慶古康州地猺獞雜處剽劫爲患前此易
五守卒不能治汝新至諭以禍福狂逞如故乃練兵設
伏覆其巢而滅之一州以甯親老力請終養歸年九十
猶好學不倦

王址鄱陽人幼嗜書史能詩事母孝慷慨負氣節嘉靖

聞試武舉第一守備撫建時流賊自閩向建之新城址
提所部兵往值驍騎衝鋒址彎弓一發輒斃賊勢少卻
亟招兵掩殺賊復振眾寡不敵址猶手刃數人獨持矛
轉戰竟日力竭援絕被獲罵賊不屈遇害

案府志址卒
人物志謹

贈驍騎將軍定專祠賜額忠
世襲指揮同知子世仁歿王事

程嘉行字公敏樂平人學有淵源爲文根極理要舉嘉
靖進士擢禮部郎中朝廷儀制皆出其手所著有納廬

集志人物

王良臣字汝忠德興人嘉靖戊午舉於鄉時懷玉書院
初闢鄆守益錢德洪後先主講良臣負笈從之屢上春
官因念母春秋高無意仕進朝夕承顏丁丑以母命謁
選得景陵學士林以爲得師署邑篆素礪冰槧當路廉

其賢交章薦之竟不起

人志

朱繼忠字以誠樂平人嘉靖進士官至通政司居鄉三

十年絕請託著有小川集

人物志

章世禎字克昌餘干人嘉靖舉人初任武陵以卓異擢知德州未幾以事移判徐州尋起六合令以治行第一復知徐州治河奏功晉秩奉直大夫致仕

人物志

汪柏字廷節浮梁人嘉靖進士爲大理評事遷光祿寺丞大學士夏言以文章才品推重之出爲廣東海道副使海上有巨寇何姓者爲一方害捕擒之歷浙江布政致仕柏所至有風裁淡於嗜慾俸積盡以均之昆弟著

有青峯存集

人物志

關文振字道充浮梁人博綜文詞尤長於詩以歲貢教

授嚴州徵修福甯州志及甯德縣志所著有詩話文話等書五十餘種人物志

金達字德孚浮梁人嘉靖鄉薦丙辰冠南宮廷對第一人諸所撰作雄偉典麗下筆千言立就後以司業致仕著有星橋等集安志

姜金和字節之鄱陽人嘉靖進士廷試第三人授翰林編修升修撰時嚴嵩秉政鄉人競趨之金和在史局淡如也厯春坊諭德南國學大司成疾作予告卒於家安志

孫曉字東白德興人需之子恬退嗜學補邑庠以父墮入國學或諷之仕答曰父以清白仕子以清白隱固不可乎所著有竹坡謾稿讀史尚論西銘龜見過庭錄安志

李曉字未夫浮梁人天資高敏早歲放浪不羈年近四

十赴省試聞有講學會往聽之汗下沾背歸遂翻然自勵旋與鄱陽史汝甯遊史嚴毅刻苦學以實踐者也曉則謹嚴之中有超然自得之趣郡守陳吾德延爲諸生講當萬曆初禁學之日曉竟不以是而輟云人物志

陳文衡字惟平鄱陽人隆慶進士授仁和知縣升刑部主事改監察御史巡按宣大時代藩奪嫡事發或爲賂庇文衡執法不少貸會御史劉臺劾張居正被逮文衡大爲嘆息外調廬州推官江陵敗由南京吏部郎中升廣東副使備兵羅定厯升湖廣參政山東按察使廣西右布政使

安志

劉應麒字道徵鄱陽人隆慶進士授禮部主事富宗人以重資求爲親藩繼應麒執不可當事者銜之出督廣

東學會沙汰例起應麒麟不行以疾告致仕三載起廣
西督學升四川參政湖廣按察使浙江左右布政使進
應天巡撫遂乞終養起南大理卿再起工部侍郎俱未
赴轉兵部侍郎命下先旬日卒應麒麟居官貞亮公忠有
大節所至俱以清名

人物志

李頤字惟貞餘干人隆慶進士授中書舍人博習典故
負才名萬曆初擢御史清軍湖廣廣西請免土民遠戍
祇充傍近衛所軍忤張居正出爲湖州知府遷蘇松兵
備副使湖廣按察使鄖陽兵變知府沈鋏且得罪頤爲
白其冤而密殲首亂者以母喪歸起故官莅陝西進河
南右布政使擢右僉都御史巡撫順天以定亂兵進兵
部右侍郎伯牙入寇督將士敗之羅文峪進左侍郎久

之進右都御史在鎮十年威望大著中使憚頤廉正畿
民少安二十九年以工部右侍郎代劉東星管理河道
議上築決口下疏故道爲經久計甫兩月以勞卒贈兵

部尚書

明史

嚴而泰字師孔鄱陽人弱冠領鄉薦授彝陵學正薦入
南雍助教能以師道自重服士心升潁州守治行著聞
卒於官結髮束脩迄於彊仕粹然一節鄉評重之

人物志

王守勝字以敬德興人從錢緒山遊萬曆己卯領貢書
時年六十一授貴池教諭隨轉紹興教授俱以古道訓
士擢揚州倅署通州篆政稱廉平

安志

吳榕字子充安仁人萬曆癸酉鄉薦初授宿甯學博以
成就人材爲已任有王九敘者以童年應役榕從傭中

特識之爲請於令得免役且飲食教誨之後成進士爲名柱史秩滿遷貴池令改調房山邑近畿輔多貴戚中宦侵奪民產爲患者數十年有御史某者檄民據實陳訴許以疏聞而惡璫先發之反取旨逮富民李當賢數輩誣其侵影皇莊緹騎暴悍且侵辱長吏榕忿激爲民請命由是忤中貴遂以病免

安志

蔡毅中字宏甫萬年人萬曆進士由翰林院侍讀進講經筵善於輔導克成儲德厯國子監祭酒纂修國史方魏璫勢熾獨抗疏彈劾罷歸卒謚文莊

府志

陳大綬字長卿浮梁人萬曆進士授涇縣令止璫開礦邑賴以甯升工部主事調兵部職方司郎中督學兩浙晉常鎮備兵尋移閩海遂告養歸里依依于舍者十餘

載特起尚寶卿轉太僕卿卒

人物志

方應庚字長卿樂平人萬曆進士授河南鞏縣令值歲饑民鬻男女自活捐俸贖之調廬州合肥汰冗平差修學校築圩塘邑有厲疫請以身代飛蝗不入境入觀授禮部主客清吏司主事以母病告養歸

人物志

黃龍光字二爲浮梁人萬曆進士授水部郎督兩宮大工以節省忤中官會六科廊燬奸璫用是中傷謫官黔召還家居二十餘年淹貫經史及當代典故天啟元年起復兵部武選司轉尚寶升太僕正卿皆著成績歷右通政司建言停刑以培國祚拂璫意羅織遣戍偏沅飄然就道璫敗詔復原官

人物志

胡舜允字明祚餘干人萬曆進士質美好學名節自勵

爲本邑鑄鐵斛胥役不得意爲增減初任桐鄉有政績
歷官大理寺評事刑禮二部郎中轉福建僉事

人 物志

陳之可字汝時鄱陽人父志昂事親以孝聞之可童年
母卒哀毀成羸疾初婚痛不及母命不忍成婚即室內
爲母位哭奠夜深跪哭不起遂昏眩臥地至曉後父歿
不御酒肉不入內室者三年竟以羸疾卒邑里重之

人 物志

史書昌字二昌鄱陽人資性穎異幼即以古人自期見
人所爲制義嘆曰四子之書皆求仁之學吾儒性命之
要也甯區區佔嘒以干祿仕乎遂閉戶窮經性至孝年
十四諸昆弟居書昌獨承顏膝下頤志愉愉孺慕終身
曰貧者士之常減一分嗜欲便增一分天理其平生究

理明信道篤大率如此

人物志

洪世弼字汝賢樂平人萬曆己卯鄉薦知萬泉縣縣苦
劇盜立禽獲以除害民病水窪建隄橋以興利升禹州
知州時黃河淤塞下州縣濬治躬率河夫一千刻期告
成部使者上其事於朝調任蘄州卒

安志

李日修字初吉浮梁人萬曆己酉鄉薦歷官工部主事
督熹宗山陵節省浮濫昭瑞不敢少私升敘州知府釐
奸剔弊執法不回擢雲南臬副攬轡行部風紀肅然

安志

閔址字蠡襟鄱陽人萬曆歲貢任興化訓導遷南平令
憂歸服闋補沐陽縣抵任值運河淤塞上發帑金八十
萬遣重臣督理專責印官疏之址相度經營勞傷致病
閔歲河工告成擢高郵知州命甫下而卒

安志

舒邦儒字真卿餘干人萬曆進士少以德行重於鄉事繼母以孝聞後因艱子嗣買妾得淮揚孫氏女臨去母不忍別邦儒大息曰吾求男而使人以女病乎遂厚贈金而遣之初任徽州司李刑獄平允大司徒殷欽人也欽土故籍絲稅會下清丈之令殷止均五邑時構爭力甚邦儒正色裁之事得息升南刑部主事持法如初

安志

胡繼美字中在鄱陽人萬曆進士初任東莞令廉潔自持邑有牛稅魚稅民間苦之繼美裁他稅以抵二稅積困遂甦補閩之漳浦擢驗封主事厯考功稽勳文選三司郎中出典河南鄉試當時柄璫戚畹聲勢張甚卒能履險而不罹於咎人服其智後乞假歸省踰年起大理

朱一桂字廷萼浮梁人萬曆進士授婺源知縣惠政茂著行取兵科給事中轉湖廣江防參議積官刑部右侍郎中立不阿出爲南都察院右都御史冠帶閒住崇禎初詔復原官未任隨卒賜祭葬

府志

程再伊字連叔鄱陽人萬曆進士授浙江蕭山令邑有北海塘腴田萬頃每爲潮汐所漂沒再伊相度形勢募民築隄越歲告成遂享灌溉之利秩滿晉儀曹郎出補

漳南監司未幾告歸

人物志

陳嘉訓字彝仲鄱陽人萬曆進士初授行人出爲南吏科裁正上供錢糧聿清耗蠹中貴人憚之時青宮遷延未定屢疏請立光宗及諭罷越閩兩巡撫與有司之不肖者先是科員命下例當面閱時相溫顏留與諸嘉訓

不爲動辭出至南中不踰年竟論罷之嘉訓亦以是謫

歸人物志

廉靖字安卿鄱陽人萬曆舉人知肥鄉縣莅任三載遂乞致仕邑有劉生去非者初以誣陷獄靖察其冤得釋劉尋登第代巡西江臨饒造廬奉三百金爲壽力辭弗獲曰此德金也因置義田以供祭祀及資子弟之讀書而貧者初靖未遇時嘗一夕坐館中見火光燭地呼主人至掘地得金主人請分之靖曰我寒士弗敢當汝悉持去靖卽以是年舉於鄉後令肥鄉歸檢其俸適與前金數符居林下講學不輟卒年九十祀於鄉

人物志

江和字不流鄱陽人萬曆丁未魁南宮初任刑曹郎欽恤關陝多所平反且以江右官徵官解法易秦民累適

甘肅告警指授方略賴以無虞有二帥以千金餽俱卻之出守成都注上考擢滇南學政東粵糧儲晉福建按察使得貤封三世喜曰吾遂初矣遂致仕歸及瑞禍作獨不與其知微如此

安志

許大忠字元甫鄱陽人生而清癯博覽羣書爲諸生有聲後遂厭習舉子業徧訪名賢務求正學平生積資五十金盡出以付司會者爲景仁堂講學費大守張靜涵與爲布衣交每微行造訪而元甫雖公事亦未嘗一詣

公庭

人物志

閔翼明字襄甫鄱陽人諸生天性孝友父母早歿結廬墓側獨居十年餘生平潛心理學與同邑江不流許元甫講學寒暑不輟

府志

張國鑰字啟之浮梁人家徒四壁萬曆甲午舉於鄉聞捷時卽往墓拜哭痛父之不及見也事母色養備至以孝聞選就教職青箬苜蓿處之裕如惟以忠孝大義勉勵諸生轉北雍學錄升監丞

府志

強尚質字繩一鄱陽人天性孝友愛弟撫姪曲盡恩禮爲人寬和莊重又負敏才作古今文詞援筆立就兼善書畫晚以明經司訓建昌之新城師道卓然多士愛而化之

府志

紀杭字勝卿鄱陽人生有異質聞祝世祿輩講學徒步從之遊凡六易寒暑不輟萬曆辛卯中乙榜就廷試初訓鍾陵繼諭光化所至以興學作人爲已任擢知普安遂乞歸

安志

湯廷耀餘干人萬曆中從劉綎征蜀積功至都督僉事
子應瑞少隨父行間每力戰先登崇禎初流氛日熾奉
調隨征父子血戰陷陣而死

國朝賜謚烈愍

人物志
殉節諸臣錄
勝朝

史稽古字心堯鄱陽人萬曆閒選貢授華亭丞升陽山
令陽山故昌黎之桐鄉也齋有兩松相傳韓公手植稽
古至爲之翦荒理穢每政餘卽吟咏其下或操筆爲文
不作猶人語著有僅存等集

人物志

劉三策字叔簡鄱陽人與兄三省孝友最篤天啟辛酉
同登賢書念母老求祿養授棗陽學博內艱服闋補廣
西旋擢仁壽縣縣舊無城且乏兵守羣賊蜂起犯川三
策日練土卒扼險要爲固守計未幾賊勢益張度不能

支遂令子居州懷印從閒道詣府上之詰朝賊大至率眾巷戰自己至午援兵竟絕出獄囚助之力盡被執罵不絕口賊怒支解之事聞贈尚寶司丞

國朝賜謚烈愍

明史王廟精傳
勝朝殉節諸臣錄
安志

江南錦字列明鄱陽人天啟鄉薦主試倪元璐獨賞其奇以足疾不能上春官絕意進取專肆力於古文辭著書多散逸梓以行者貌嶠書屋文集而已

人物志

葉應震字長東餘干人崇禎進士時楚氛孔亟起復楊嗣昌爲大司馬應震上章擊之不報授都水司主事治河著績癸未升四川副使未任會父歿哀毀骨立事母孝養備至母歿茹蔬廬墓不復與人世閒事食貧二十年著有易鑑合參五經纂註四書貫等集

安志

詹時雨字霖臣鄱陽人崇禎進士給事中書科時上發策問兵餉條對稱旨擢監察御史出巡福建以嚴直忤權要遷蘇松道隨督學貴州一秉虛公黔中得人於斯爲盛

安志

李思謨字承伯浮梁人崇禎進士令深陽留意教養時權相奏令各省童子分等第納銀免府縣考試諸路風靡思謨獨不奉行乙酉罷歸隱居鄉里卒於家

府志

鮑文宏字士可浮梁人崇禎進士任惠州司理活疑獄甚眾時土寇竊發設計討平之居鄉敦尚儒雅誘進後學凡邑利弊悉力言於當事人皆德之

安志

董尚行字篤卿德興人博通經史尤究心理學悟性命之旨諄諄以誘進後學爲已任因著紀言編一卷既歿

郡守張有譽請祀鄉賢

安志

史乘古字爾力鄱陽人崇禎庚辰授甯津令承荒敝之餘雅意休養民懷其惠又保守孤城以治行報最擢永平治中未任歸

安志

高日臨字儼若鄱陽人崇禎壬申以恩選知四川大甯縣甯多高山深箐人迹罕到忽山後有賊自鹽井來倉猝間乏戰守備時夔護篆者方阻兵自衛日臨齧指血上書求援不報城遂陷不屈死之

國朝賜謚烈愍

安志
殉節諸臣錄

徐明揚字宗允浮梁人由選貢生爲山西平順知縣平順因山爲城地僻民貧明揚抵任勸農課土緩征息訟民咸戴之崇禎六年流賊來犯議者曰蕞爾孤城無與

爲守曷若權宜避郡可乎明揚曰吾爲朝廷守土設不虞惟有死耳設法守禦賊不能克後力竭城破不屈死

國朝賜謚烈愍

明史張光奎傳
勝朝殉節諸臣錄
安志

胡重明字養元鄱陽人崇禎末以歲薦授贛州訓導後

署安遠縣事土司兵變逼城重明奮不顧身督卒固守

及城陷朱衣坐堂上不爲動寇刃之并刃其家屬七人

國朝賜謚烈愍

安志勝朝殉節諸臣錄
羅伏龍傳
今道殉節諸臣錄
載臨江列傳

不出不復

江西通志卷一百六十二